

DEN AMBIENTE SPECIAL

PA: POETS

ENTREVISTA EXCLUSIVO CU GLORIA Y EMILIO ESTEFAN

DEN AMBIENTE tabata tin e honor como relacionista publico pa ROYAL CABANA CASINO, di a ricibi e cantante superestrella Cubana, GLORIA ESTEFAN na pia di e avion na su yegada na Aruba.

Royal Cabana Casino y La Cabana All Suite Resort conhuntamente cu American Airlines y Pepsi Cola ta e patronisadornan di e historico concierto cu lo bai tuma lugar awe y mayan den Elias Mansur Ball Park.

Den e VIP room di airepuerto DEN AMBIENTE tabata tin e oportunidad esclusivo di por a entrevista Gloria.

E superestrella aki a declara na DEN AMBIENTE cu e ta sumamente contento di por ta na Aruba atrobe, pasobra e tabata na Aruba pa vacacion algun añanan anterior y a gusta Aruba masha hopi mes pa su tranquilidad y e hospitalidad di su hendenan cu ta hopi cariñoso.

Ta pesey e la inclui Aruba den su gira. Manera tur

hende sabi cu e la sufri un accidente na aña 1990, y cu dokternan a teme cu hamas e por ta riba un escenario. Pero gracias na Dios Tata Todo Poderoso cu pa su persona ta un milager, e ta riba escanario atrobe pa brinda su fanaticonan de lo mehor.

Tabata un lucha y sacrifician grandi cu a experimente ki balor un bida ta ora bo salud ta 100%, y tin un gran respet y sintimentonan pa tur e personanan cu ta sufriendo den hospitaal.

Dia cu e la haña oke di dokter pa e por ta riba escanario atrobe, e hunto cu su eposo Emilio Estefan y demas intergrantenan di Miami Sound Mashine a prepara un gira mundial pero cu un show hopi especial como un regalo pa tur su fansnan cu a muestra nan atencion y cariño pe durante cu e tabata pasando den e momentonan mas dificil den su bida. E la keda sumamente contento di por a ricibi den e tantísimo cartanan di prosperidad al-

gun di nan di Aruba. E cartanan aki tabata un gran apoyo pa su persona y e tin un bunita palabra di gradicimento na tur e hobennan di Aruba cu a muestra nan atencion, cariño y deseo di un pronto recuperacion via di nan carta pa su persona. Actualmente su jiu homber di 12 aña Najib no ta hunto cu nan, comokiera e ta cambiando di shool y Gloria sonriendo ta bisa cu su jiu ta loco enamora cu un galiña na Miami. Pero e ta haña masha falta di su jiu. Su bida como artista ta algo manera un regalo di Dios, pasobra semper e la gusta canta, ta su hobby y alabes su trabao.

E dia mas emocionante y inolvidabel pa su persona tabata dia 1 di Maart 1991, dia cu e la presenta pa promebes dilanti un publico na comienso di su gira Mundial den Miami Arena.

Tabata un dia masha grandimes pa su persona pasobra e dokternan tabata tin dudanan cu hamas e por ta riba esca-



nario, pero cu fe den Dios e la logra y ta recomenda na tur e personanan cu a sufri un accidente pa nan no perde speranza y tin fe den Dios. Na final di e entrevista aki Gloria a laga sa cu for di e momento cu e portanan di avion a habri e la nota e ca-

ranan amabel y cariñoso di nos Arubianonan, algo cu a pone releha y sintiele comodo, ta manera na su cas e la yega. Gloria a laga sa cu su dos conciertonan lo bai ta algo hopi especial y ta spera cu e lo bai ta na agrado di un tur.

Segun Emilio Estefan:


JON SECADA TA E FUTURO STAR DI MIAMI SOUND MACHINE



E talentoso y futuro superstar di Miami Sound Mashine Jon Secada.

DEN AMBIENTE a sostene un entrevista cu Emilio Estefan esposo di Gloria. Por bisa cu Emilio ta practicamente tur cos pa Gloria, ademá di ta esposo di Gloria e ta scirbi y produci pa Gloria y Miami Sound Mashine. Antes e tabata percucionista di Miami Sound Mashine, pero debi cu e ta hopi ocupa cu scirbi y produci e no ta toca mas. E ta scirbi y produci tambe pa artistanan grandi manera

Julio Iglesias, Jose Luis Rodriguez (El Puma), Luis Minguel cu actualmente tin un produccion na caminda. Muy pronto lo bai ta riba mercado internacional e produccion nobo di Miami Sound Mashine pero cu e talentoso cantante Cubano Jon Secada. Segun Emilio cu na Aruba e cantante aki no ta conoci ainda, pero cu e proximo lp y cd cu lo ta riba plaza despues cu nan termina nan gira, e lo bai ta



e superstar tambe di Miami Sound Mashine. E ta un tremendo cantante y ya caba e ta hopi popular na Estados Unidos. E lo bai canta un cancion awe nochí cu ta "Always Something". Tambe nan lo bai produci tres album nobo cual ta; un

greatest album, un album completamente na spaño y un Jazz album instrumental. Emilio tambe ta hopi contento di ta na Aruba. E la declara cu e ta mira nos hendenan na nan wowonan cu nan ta bon hende. Tambe e la laga sa cu tin hopi

posibilidad cu den futuro e hunto cu Gloria y su jiu homber Najib lo bin pasa nan vacacion na Aruba. Emilio a bisa DEN AMBIENTE cu no ta un sorpresa cu den futuro e lo scirbi y dedica un cancion pa Aruba, "E PERLA DI CARIBE".